

粵閩巡視紀畧

卷上



秀水杜大宗伯著

粵閩紀畧

經緯堂藏板

序

濟南田雯撰



命帝臣周游八極內別五
方之山外分八方之海紀
其舟車人跡之罕至撰水
土草木禽獸昆蟲之所止
及海外絕域殊類之人方
名詭物之所書伯益作山
海經洵奇觀矣下此唐蒙

莊蹻之屬尚載舊聞長卿
陸賈之儔猶稱前史先生
粵閩之使烏可以無紀

今天下之大幅員數萬里東
南直跨彭湖西北已踰翰

序二

海舞干羽於兩階奏簫韶
於九成可云極盛雖然論
緣海之境西北爲遠東南
爲近給沿海之地江浙爲
緩粵閩爲急何以言之管

趙王佗之攻粵秦稱一尉
路博德之麾兵漢建七郡
二守增於元封兩州刺自
黃武合浦珠犀銅柱丹徼
此粵海郡縣之制也若七

齊三

閩之郡古會稽冶縣之半
耳以其時地虛山谷人徙
江淮自侯官都尉漢分兩
部泉汀福建唐列四州此
閩海郡縣之制也當其始

沿邊列郡逶經遷徙金厦
兩門游踪不絕沃洲之民
疲于奔命矣迨後三方削
平鎮戍興復抱圖歸丞相
之府銜壁繫中軍之營管

序四

聖天子廟算於上以賢大臣
掠地在平定安集之耳今
如先生巡視其地於以綏
靖邊疆厥功偉矣當此之

時爲茲役者有三難焉有五利焉閩嶠崎嶇嶺表煙漲深林密箐窮谷易入飛艤舳艫海洋爲藪不放之歸田則羈縻無方枳棘良

序五

田虺蛇室內此一難也豪強之民勢將侵冒返壁無踪還珠奚術此一難也以勢論之閩急於粵臺灣一郡附閩不附粵也招徠勸

墾二事竝集先其所緩後其所急此一難也若夫察瀕海之地以還民寇無藉焉其利一也邊烽不警緣海列營民狎其野穡人成

序六

功其利二也山澤弛禁魚鹽是業貴貨易土土可賈焉其利三也漳浦畧門遙通市舶使西賚浮玉南琛沒羽其利四也鑒於唐虞

而命山川別水土任土作
貢類族辨物俾厥田上上
厥賦上中其利五也以茲
五利易彼三難此一役也
乃可以濟替六詔遺蒙剖

序七

哀牢之故窟羅施鬼國走
婦人于深宮滇黔之設有
自來矣若天吳之域洪波
巨浸海童之區潮風來往
郡縣所列古未曾有先生

之功則于疆于理至於南海
海摛詞則本爾雅水經注
諸書紀事則可作島厓職
方之志豈止夫蝦鬚九尺
海人三寸水孺獲長臂之

序八

衣殊方有懸乳之頸哉
元帝之罷珠崖宋皇之畫
玉斧漢武嘗偏棄造陽勝
國亦終遺交趾今之邊陲
邁古遠矣是以封之金繩

裝之酸棗固亦虞書之別
錄禹貢之外編先生前代
牧之十六衛罪言何足儔
矣



序九

序

國家遷海之舉未雨綢繆
絕逋逃之姦禁闌出闌入
之狡啓蓋深鑒夫孫恩盧
循之亂以及嘉靖中王直

徐序一

諸人之引寇防危慮患法
至善也惟是海壖諸境綿
亘幾數千里在朝廷賦額
固不靳錙銖而自遷界之
後從來沃壤竟爲甌脫民

亡舟鮫魚鹽耕獲之利失業者且數十萬家會

天子神靈威行絕域海寇遊魂皆匍匐蛾伏歸命京師于是鯨波鱷浪盡屬安

徐序二

瀾

上乃重念海濱赤子亟思還定而安集之爰遣重臣往借彼土大吏一切招徠撫綏便宜從事而今大司

馬吾鄉杜公時以少宰晉
司空實受命蒞粵閩之區
公以康熙二十二年臘月
自都啓行跋履迢遙踰越
險阻于役之勞不遑寧處
至明年五月而畢事歷時
僅五六晦朔而往返且六
七千里用以宣布

徐序三

上意諮諏民隱蓋公勤以
奉職廉以持躬勤則不濡

滯于事廉則無屬望于人
由是以十萬之師爲一使
之任孚於同官肅於僚屬
不疾而速化馳若神夫豈
偶然致之者哉今讀我公

徐序四

巡視紀略一書知公所實
心從事者首在察地還民
蓋示

聖天子加惠元元之本指
以廣 皇仁也次則移屯

戍于界外不忘固圉也弛
魚鹽之禁利民也酌番舶
之通市兼柔遠也此公經
濟之大者也若夫防城之
地連交趾澎湖之道接中

徐序五

山魯門種落來自迤西紅
毛部族鄰于呂宋公皆以
誠意格之清操感之內寧
外戢遠至邇安使

聖朝漸被暨訖之化極於

無垠猗歟休哉至其爲書
大而山川之經緯細而村
井之臚列如瞭指掌如數
家珍以及考据典章發皇
忠義闡幽微顯揆軼補亡

徐序六

在此書爲餘事而要皆可
不朽于後世者也抑公是
舉也安閩粵實以安東南
東南財賦之區海水羣飛
斗牛芒彗天下之所係孰

大於是後世讀是書者知
公之功豈專在閩粵耶時
康熙己卯仲夏

予告通奉大夫內閣學士
兼禮部侍郎加一級同里

徐序七

受業徐嘉炎謹拜撰



粵閩巡視紀畧

附紀澎湖臺灣

經筵講官工部尚書

臣

杜

臻

述

澎湖有三十六島縱橫三百餘里

此據新圖實錄云二百餘

里閩海實錄云其地勢在泉州料羅漳州鎮海

之界與舊嶼大擔相對自內地東渡順風一日

二夜可至閩書附晉江縣云地近琉球昔人於

此置兵防琉球今則防倭元島夷志云自泉州

順風二晝夜可至有七澳曹能始志勝云自郡

粵閩巡視紀畧

附紀

東出海門舟行三日始至鄭若曾云風順尚有

日半之程指揮唐垣京澎湖要覽云係琉球山

川地界泉漳與福其去內地也將於琉球諸書

所載不同茲從閩志附之晉江之後云前代事

不可考隋開皇中遣虎賁郎將陳稜帥師至其

地虜男女數百人而還唐施肩吾有澎湖詩云

腥臊海邊多鬼市島夷居處無鄉里黑皮年少

學採珠手把生犀照鹹水蓋亦嘗有至焉者明

洪武五年以其民叛服不常大出兵驅其大族
徙置漳泉間今蚶江諸處遺民猶存嘉靖之季
賊首曾一本林鳳據爲巢穴萬曆元年總兵俞
大猷逐倭寇嘗至其地二十年朝鮮告倭且入
犯議者謂不宜坐棄澎湖於是設把總一員以
十六舟戍之隸於南路叅將及泉南遊擊令與
浯銅二寨時相策應其汛地北起北山南盡八

鬮澳

地圖作
八鬮

北山龍門港丁字門西巽頭曰最

衝奴宮前蔣上澳曰次衝春汛以清明前十日
爲期駐三月而返冬汛以霜降前十日爲期駐
兩月而返後以孤懸海表議罷啓禎以後鯨鯢
荐食益不可問矣其氣候常溫多風少雨涉海
者重絮而行旣至則易暑服其土燥剛不宜木
與禾黍惟多雜茅泉味澀滴其民多泉人僑處
苦茅以居朴野多上布爲衣耕漁畜牧以自
給煮海爲鹽釀秫爲酒掇羸蛤魚蝦以佐食藝

牛糞以爨燃魚膏爲油尤多畜羊羊特肥大孳
生山谷間千萬爲羣其主各刻角以誌或烙毛
務耳夜亦不收卒不相亂也黠者或行賈於外
致饒裕其爭訟擇年長者爲主有事則就決之
間有不能平則詣晉江縣陳白以聽斷焉其物
產穀則胡麻菘菜豆藥則天門冬蒺藜山茨菇蟲
獸則山猪蜈蚣花蛇及鼠山猪類常猪而色赤
性矯健善跳躍捕之不易有毒食之輒發瘡癰

花蛇蜈蚣彌山皆是花蛇大者長丈餘小亦不
下五六尺晝日伏藏地下夜乃潛至几案間揣
之不嚙卽偶見嚙亦不至大創也海石間出烏
魚一名鱮魚本生江南每春日輒來就石廉打
子蓋魚子須跳擲乃出也又產白芥菜高五六
尺其子中入藥絕佳茉莉干瓣香尤酷烈又有
藤蔓可爲燻洗兵船之用其民以地近琉球夜
不舉火言夷船望見烟起必來抄掠居中六澳

曰娘娘宮可泊南北兵船五六十艘遊總處之
其餘諸島重疊相包無大高山望之不過如覆
釜水曰澎湖溝分流東西泉漳人行賈呂宋必
徑其間自此以東爲順流其返也過澎湖而西
復爲順流自娘娘宮而西至西巽頭曰左哨稍
南至蔣上澳曰右哨二哨去中營各水程四十
里二哨自相去水程三十里西巽頭有山稍高
度可十六丈可泊兵船四十餘其險阨曰內塹

外塹稍北十里曰蟬仔澳可泊南北風船十餘
各有漁寮水源

新圖又有大池角小池角吼
疏礮員門司礮礁竹篙澳 稍

北二十里曰丁字門其澳迫窄僅可容四五舟
有水源無漁寮爲寇夷樵汲所至

新圖有大吼
門小吼門

過此十里爲西北大洋稍東二十里曰鎮海港

員背巽各有水源漁寮

新圖有赤墩萬丈潭土
地公金巽姑婆巽鐵砧

巽但水淺礁多舟不易往第於北山築墩探瞭
而已西巽頭內十里曰菓葉澳可泊十餘舟有

水源無漁寮又自西與頭分道至通梁仔瓦礫

港大礮各水程二十里中墩三十里新圖菓葉甚遠中墩

甚近小有不同各有漁寮水源亦以水淺礁多中墩一稱上門

止可遠瞭凡此皆左哨汎遊所及也蒔上澳可

泊北風船四五十新圖其旁有岑圭與狗沙與毒與鐵線尾西行水

程五里有小與曰大城與小城相對可泊南風

船十餘自蒔上東北行水程二十里曰文龍港

即龍門港之誤可泊北風船十餘有水源漁寮

新圖其旁凌波與芝眉與旋齒礁為寇夷樵汲必至之地哨邏

至此而廻稍南五里曰林投仔新圖其旁有鎮管港猪母落水

有水源冬哨始有漁寮春夏無之也由此東北

水程十里曰圭璧港又北五里為青螺仔頭新圖

其旁有洪林罩蚌脚與鼎灣仔沙港雁精與罈廣各有水源漁寮但礁

多水淺常於太武山遠瞭及之不能時往並蒔

上而西五里曰楓櫃仔山新圖其旁有大帽山沉礁四角與龜龍與

番墓有水源漁寮北行水程二十里曰安山仔

可泊南風船二十餘又北十里曰東港尾有水
源無漁寮可泊南北風船二十餘詳圖自此復近祖媽宮

左哨汛遊所及畧盡於此西巽頭之極西又有

吉貝巽孤隔多礁新圖其旁有布袋澳沙員日與沉礧北礁其東有屈瓜飯

籃蓋白沙澳北境盡處也與南面之八鬪巽遠隔一潮水雖

有漁寮水源均非哨瞭所及也新圖與舊畧異

娘娘宮作祖媽宮大城太武山與之連壤不云

小巽也白祖媽宮稍西盡西垵仔尾有新城蓋

粵閩巡祀紀畧

附紀

六

寇所築以屯兵者其旁有後屈潭水燒平牛心礁西衛而八鬪之

旁澳巽甚多在北者曰鴛鴦窟捕魚坑水垵虎并桶盤巽三將軍石在西者曰大

花宅小花宅花巽草巽沉礁大貓巽小貓巽在東者曰挽毛潭網垵在南者曰頭巾巽鐵砧礁

稍遠至西南有湖內社捷鉄成質潭東北有尾崧田

將軍柱後代仔極南有東巽平西巽平鐘巽等更南有

東吉巽西吉巽斧頭爭等皆明世所不及知也

臺灣舊名東番不知所自始其人聚處無君長

不通中國亦未嘗屬於外番泉漳市舶私與往

來不聞於官司也萬曆三十年爲倭所據浯嶼
營將沈有容出舟師擊之有連江人陳第者以
薊鎮遊擊家居與偕往共破倭泊舟大員其酋
長大彌勒等持鹿酒以獻因備詢其土俗及山
海形勢述之成篇第個儻能文起家諸生後乃
去而習武爲總兵俞大猷尚書譚綸所賞識遂
以武秩進著有言言謬言毛詩古音攷伏羲先
天圖續太史焦竑亟稱之自有第記而後釐考
屬國者始知有所謂東番云其畧曰東番在彭
湖外洋中自烈嶼航海一晝夜至澎湖又一晝
夜而至加老灣其地起魁港加老灣歷大員堯
港打狗嶼小淡水又有雙溪口加哩林沙巴里
大幫坑皆其居也斷續凡千餘里種類甚蕃別
爲社社或千人或五六百推子女多者爲社長
聽其約束性好勇喜鬪暇輒習走晝夜不止足
躡皮厚至數分履棘刺如平地捷及奔馬度終

日之力可蹕數百里或兩社有隙而相攻約日
合戰戰已往來如初不復相讐每殺人斬其首
剔肉存骨懸之門門懸髑髏多者稱壯士地暖
冬夏裸體不知衣冠自謂簡便婦女結草裙畧
蔽下體而已無揖讓拜跪禮無曆日文字視月
圓爲一月計月十圓爲一年久則忘之故率不
紀歲少壯老耄問之不知也交易結繩以識無
水田治畚種禾山花開則耕禾熟拔其穗穀粒

視內地稍長特甘香採苦草雜米釀之爲酒間
有佳者豪飲至一斗燕會則置大罍圍坐各酌
以竹筒不設有核樂則起而跳舞口亦嗚嗚若
歌曲男子剪髮畱數寸披垂女子則否男子穿
耳女子年十五六斷去唇兩傍二齒以爲飾地
多竹大數握長十餘丈伐竹構屋蒙以茅廣長
數丈每族共屋一區稍大曰公廨少壯未娶者
曹居之議事必於公廨取召集之易也將娶視

女子可室者遣人遺以瑪瑙珠一雙女子不受
則已受則夜造其家鼓口琴挑之口琴者製薄
鐵如搔頭尾有兩岐齧而虛之錚錚有聲女聞
納宿未明徑去不見女父母自是每夜必來以
爲常迨產子女婦始往婿家迎婿如親迎婿始
見女父母因家焉養女父母終身其本父母不
得子也故生女喜倍男謂其可以繼嗣云妻死

更娶夫喪號爲鬼殘終莫之醜人死擊鼓環哭

置尸於地四面熾火燔而乾之不棺屋壞乃立
而埋之不封不祭將耕戒勿言亦不復相仇殺
道路以目田畔相遇少者背立長者徑行無所
問華人或故侮之不之較苟違戒則歲輟不登
故守之惟謹女子健作女常勞男常逸有盜取
人物者嚴剔之尸於市故夜戶不閉禾積塲無
敢竊者有牀無几案席地坐穀有大小豆胡麻
薏苡蔬有葱薑番薯踴果有椰蔗毛柿佛手

柑畜有猫狗豕雞獸有虎豹熊鹿鳥有鳩雉鴉
雀山尤多鹿人善用鏢鏢長五尺鏃甚鈹虎鹿
遇之輒斃其捕鹿嘗以冬伺其羣出乃集衆逐
而圍之掩羣盡取積如丘陵先屠取其皮角次
腊其肉次腊其舌與腎與筋別藏之盛以箱而
鬻之華人又能榨蔗爲糖二者其本業也得鹿
子必擾馴之刺鹿腸出新飼草未化者必競食
名百草膏俗食豕不食雞雉惟拔取其尾以飾

旗見華人烹噉雞雉輒嘔雖居島中不能操舟
畏見海但捕魚於溪澗故老死不與他夷往來
永樂初鄭和航海諭諸夷東番獨遠竄不聽約
於是家遺以一銅鈴使懸於頸蓋狗畜之也至
今傳以爲寶始皆聚居濱海嘉靖末遭倭焚掠
乃避居山俟善鳥銃鏢不能禦也自通於中國
獨見其居山耳漳泉之民至者旣衆克龍烈嶼
諸澳往往能譯其語嘗以瑪璚甕器布鹽銅簪

環之屬易其鹿脯筋角間遺以故衣輒喜見華
人則衣之以相晉接退則襲而藏之得布亦藏
之蓋其人習裸不耐冠屨束縛也性頗醇樸自
通中國始有嗜奸奸人又給以濫惡之物彼亦
漸悟知爲巧僞矣第之言如此明季阻於海寇
不復相通不知何時爲紅夷所得海逆鄭成功
之敗遁於京口也乘大霧襲殺紅夷守者而據
其地築城以守僞號東寧國或言歲以十萬緡

歸紅夷而假其地以居爲日久矣卒莫知其然
否後鄭成功死於廈門其妻董氏復立子錦勢
益弱降者踵至爭言臺灣中曲折始知其地南
北長東西狹東面皆大山莫知其窮際水皆西
流長者或數百里海逆旣定居規度便近地給
兵屯種而收賦於諸社以自給又多種桐樹及
泉麻爲治船之需或盛言封畛遼闊獠人錯居
多奇怪有三指人爪銳如鳥跳躑山林如猿猱

居於樹顛樹絕大其顛平廣可置屋其人亦能
耕獲得穀輒徙置樹上又善弩人迫之輒注矢
下向終莫能近也又有長髯矮人僅如十歲小
兒而鬚皆過腹或又言其巢特險固水道紆迴
惟一徑可入欲往者必自澎湖易舟而令諳習
者爲導乃能至或又言地時時震又多颶風屋
易壞多至三年必再構矣言人人殊亦有圖形
以厭者事涉詭詐不足信也迨海逆入居漳泉

再遁於廈門而錦又死獨稚子克塽在悉以兵
事委其僞武平侯劉國軒而專總財賦則屬之
僞忠誠伯馮錫范錫范者克塽妻父也於是督
臣姚啓聖提臣施琅咸言臺灣可取狀上命會
議有

旨允行康熙二十二年春琅自闕下至閩啓聖已調
集各鎮之師飭軍資時糧糧列艦以待官軍在
行者皆有重犒師行以風不利而返再出復却

回六月啓聖親餞煨於銅山從容言曰將軍師期已三易矣每行必竭靡庀軍賞力已盡矣嗣後不能爲將軍再治行敬奉白簡以待命於下吏克敵與否在今日矣惟將軍圖之煨念時方盛暑多南風意躊躇未決乃業已力任而啓聖繩之又急遂慷慨行爲書決別妻子誓必死諸將士當行者皆作書抵家處分後事無一還心合提標及興化平陽銅山金門海壇廈門諸鎮

之師共數萬人舳艫數百禡牙舉帆自銅山南向而啓聖亦進屯廈門爲聲援煨舟旣至大洋風日恬和海波偃息安行如內地遂以初十日至澎湖之外島當是時賊將劉國軒以二萬衆守澎湖昔日哨遊重地皆爲所據煨泊舟處非向來屯駐地也賊望見之皆大笑曰此不足煩吾兵潮至自碎耳蓋海道收泊有常處必澳曲乃可以避風潮否則潮乘風勢能舉舟拍沙上

卽至堅之舟不過三四掀播無不震裂矣煨亦習知海事心竊危之顧無可奈何稍擇便處相守十二日潮竟不至而天忽大霧咫尺不見人是爲六月二十二日也煨告諸將曰潮汐有常而十二日不至方夏多颶風而無風此天相我成功也非

天子洪福不及此然倖不可屢邀更需時日而潮至颶作必敗無疑矣今日請與諸君共破賊諸將

亦以爲然請舉砲煨曰不可火器彼之所長彼聞砲聲卽知我軍所在而尋聲以擊我我不能敵也不若乘大霧未解而直趨其中堅彼不意我至必驚亂我躍登其舟短兵相接庶可取勝衆曰善於是分其舟爲二以興化總兵吳英爲左冲鋒金門總兵陳龍銅山總兵陳昌繼之而廈門總兵楊嘉瑞當其後平陽總兵朱天貴爲右冲鋒提標前營遊擊何應元提標署中營叅

將羅士珍提標右營遊擊藍理提標署後營遊擊曾成繼之而海壇總兵林賢繼其後偃旗臥鼓魚貫以入餘舟八十艘畱爲後應軍方行而潮至水驟湧四尺舟行通利無礙煨與諸將皆色喜度已附賊舟競擲長鏢巨鉤首尾鉤之我舟與賊舟相混糾結不可解朱天貴林賢吳英先登諸將士奮勇騰躍競上賊艦賊方茫昧不及辨而刃已及身大亂起舉砲鉛甫脫口鎔而

未堅勢亦不猛着鐵皆如泥不能傷我軍我軍大呼殊死戰無不一當百因縱火焚其舟白已至未賊大敗殺死焚死跳溺死者萬二千人獲賊舟甚多劉國軒以數舸逸去餘劊殘八百人並詣軍前降朱天貴冒矢石負重傷所當賊十二艘焚溺幾盡猶稱寧死不退追擊不已忽有飛砲中項立斃天貴本浙鎮以畱後策應調之乃自願爲前部卒戰死時論壯之賊守山者曰

僞將軍楊瑞見水軍已敗幸僞官一百六十五員僞兵四千六百五十三名全軍降初煨將出師夢觀音授以水一桶覺而曰水者海也一桶者大一統也我今茲必破賊乎又軍士有宿於關壯繆廟者忽聞空中呼曰選大纛五十杆助施將軍破賊煨聞之益自喜至是果驗煨得降者皆厚撫之錄所獲水軍創殘八百人給以糜粥酒馱遣醫爲裹傷傳藥召見之曰若等欲歸

乎皆叩頭言逆天宜死得不死足矣安望歸煨曰不然汝一軍盡沒父母妻子必謂汝等已死日夜悲泣今縱汝歸復見父母妻子寧不甚樂朝廷至仁如天不得已而用兵降卽赦之耳汝今歸

爲我告臺灣人速來降尚可得不死少緩卽爲澎湖之續矣諭訖而遣舟歸之八百人皆感泣去旣至則展轉相告歡聲動地諸僞將僞兵聞之爭欲自拔來歸禁之不能止劉國軒自澎湖

敗還固已膽落至是見人情大率已解散始次計勸克塽歸附矣始煇告捷且言臺灣港道紆迴南風狂湧須俟八月以後乘北風而行且遣書咨之督臣啓聖啓聖以爲賊已大創宜乘勝急擊若少延緩之令賊得保聚勝敗未可知也又廉知官軍破賊後藥彈火器率已罄盡甚至撞毀鐵鍋爲裝砲之用遂爲書報煇言當速進且送角弓五百張柳箭二萬枝火藥二萬觔火礮一萬五千筒噴筒三千枝火箭八百箱黑鉛四千觔大小鐵子一千枚出窩蜂子一千觔緞綉袍掛乾練袍掛各數千領鞞帽若干件賞功銀一萬兩煇得書大喜悉以諸資具散之軍中軍中人人鼓勵計日渡海滅殘寇取重賞賊聞之洵懼閏六月初八日僞藩鄭克塽遣僞官鄭平英林惟榮曾蜚朱紹熙齋降表至軍前請舉國內附爲東方屏翰煇告之曰仍居故土不敢

擅許審欲降者當如幕府約因要以三事一必
須劉國軒馮錫范親身來二必須納土獻版籍
三必須僞官兵遵制剃髮舉家內徙聽朝廷安
插使人銜命去七月十五日克塽復遣僞兵官
馮錫珪僞工官陳慶煒劉國軒親弟僞副使劉
國昌馮錫范親弟僞副使馮錫韓同前使曾蜚
朱紹熙來復奉書至軍前請悉如約且言南北
淡水駐防僞左武將軍何祐僞左先鋒李茂等
僉已撤回地方僉已效順但請頒給告示曉諭
剃髮而何祐等降款亦至十六日提督煇畱劉
國昌馮錫韓於軍前而令侍衛吳啓爵六品筆
帖式常住齋告示五通與錫珪等偕往曉諭臺
灣軍民見

天使渡海合境驩呼投戈剃髮向化恐後居亾何克
塽降表至奏繳僞延平王印一顆冊一副僞武
平侯印一顆僞忠誠伯印一顆盡籍其境土數

千里戶口數百萬爲圖以獻但以宗族類多齟
穉南人不諳北土請就近安插煇爲代奏廷議
許之於是克塽及僞將士等盡納其器仗於軍
前舉族內徒提督煇身自渡海行定新附地而
絕域盡入版圖矣是役也

天子念渡海遠戰將士勤苦賞卹皆從優厚提督煇
授靖海將軍世襲國替死事鎮臣朱天貴特贈
太子少保授一子爲廕生餘將士陞賞有差以

劉國軒率先歸順授爲天津提督克塽至赦其
罪優以公秩居京師而臺灣置郡縣如內地焉
按圖東境果皆連山而臺灣城則西面海中一
孤嶼也稍近南城之西皆大海而沙線重複舟
不可近城之南一沙埂屬於內土曰萬丹湖湖
之旁有港東入曰燒港卽陳第所謂堯港也埂
上置七崑身崑身者山阜之名列兵守之如內
地斥候也城之東乃大海澳沙埂遶之城之北

有水徑曰馬沙溝紆迴以入於澳其近澳之口
曰鹿耳門築城守之澳縱廣可數十里兵船宿
其中由此乃可以至城之東而登岸焉馬沙溝
外又有沙線數重置南北崑身以守寇所倚爲
奇險者在此也自馬沙溝西南有孤巖曰海翁
澗爲走澎湖道澳之西岸有城曰赤墩蓋亦寇
所築城之南有十二街有文廟旁有港不知名
城之北有花園旁亦有港疑卽陳第所謂大員

港也城之東有天興萬年二州有內菜園有嘉

祥長治維新三里有二層營蓋皆寇所規度爲

營田處也

又東有上港岡中港岡下港岡 卽林大岡山小岡山大香洋小香洋中

洲仔鰲仔潭柳仔林沉坑仔

自是極東曰啞猴林卽大山窮

處自赤墩城南行一百四十里至赤山仔稍西

爲鳳山港又西近海爲打狗山卽陳第所謂打

狗巖也寇置砲城在焉

其旁有半平山凹底山觀音山大宅基 自

赤山仔又南八十里至上淡水又二十里至下

淡水此所謂南淡水寇置戍處也陳第謂之小
淡水自下淡水十五里至力力社又十五里至
茄藤社又六十里至放索社又八十里至茄落
堂又一百二十里至浪崙社自赤墩城至此共
五百三十里南路盡處矣近海處曰沙尾岐頭小琉球在

其西南而淡水之東有傀儡番在大山中亦號

令所不至也自赤墩城北行歷大橋小橋二港皆經

花烏鬼橋其港爲園一百二十里至新港社新港

西行出海口有目茄洛灣卽陳第所謂加老灣

也港北有名籠社黎頭標社有大目其北又有

降大武籠大岡山爲東山盡處

歐王溪歐王社在其旁又有大小茄冬林自新港社西

南五十里至麻豆社水西出曰莽港卽陳第所

謂魍港也其旁有茄哩巽雙溪口皆第記所有

自此以北第不及知矣又有大龜肉鐵線橋急水溪赤山自麻

豆社東行九十里至朱羅山其旁有啞里山倒洛咽茄拔仔大排

竹水西出曰蚊港其旁有三疊溪牛朝溪八掌溪上茄東下茄東龜佛山土

獅仔南世
竹茄藤林
自朱羅山北行一百里至他里務其旁

有猴岡社石龜溪打貓社
東山盡處為柴里斗六
又北一百二十里至

大武郡水西出曰磚仔挖
其旁有東螺社西螺社南社二林三林臺

仔挖冷
飯挖
自大武郡又北六十里至半線社水西

出曰大肚溪其海口曰鹿仔溪
其旁有捉揀社大肚社啞捉社

馬之邊
大笑社
自半線社又北一百一十里至水里社

其旁有福羅社
牛罵社沙轆社
東有大山曰黑沙晃裡買猪末

徑皆盡境也
自朱羅山至水里社皆地之東境

至此乃折而西行三百里至大甲社又西一百

四十里至房裡社又西一百三十里至吞韶社

其水之西出者曰大甲溪
其旁有雙寮社崩山社宛里社茅干社

自吞韶社折而西北一百三十里至後籠社又

二十里至新港仔水之西出者曰後籠港
旁有茄世

關合
歡社
自新港仔北行四十里至中港社中港出

焉又北一百里至竹塹社竹塹港出焉又北二

十里至眩眩社又北二百里至南崁社南崁港

出焉其旁有霄里社查內社龜崙社坑仔社折而東八十里至八

分里社旁有奶奶社又東過江十五里至淡水城此

所謂北淡水也寇亦置戍爲北面重鎮江源有二皆出於東境大山峻灘斗瀉一經首冕社一

經房是仔社皆西流至外八投社而合合處有

峭壁夾峙於江之東西曰干豆門江自此折而

北入於海在江南者曰擺接社瓦裂社龜崙社里未社在兩江中者曰著厝社奇武

子社巴浪泉社在江北者曰麻里則孝曰峇峇攸曰奇雨峇曰里簇社麻少翁社自淡

水城東行三十里至奇獨龜崙社又東六十里

至龜州社有龜州山橫山又東六十里至大屯

社又東四十里至小雞籠自中港社至此皆濱

海西北境小雞籠外大海中有二石對峙曰旗

杆石寇熾時策取臺灣者嘗欲自雞籠趣淡水

掩賊不備爲奇功卽此地也其地有支壟斗入


海必踰此乃可前土人謂之跳石凡一百五十

里至金包里外社又東十里至金包里內社又

有支壘視前更大跳越較難曰跳大石凡行二
百里至雞籠頭過江二十里至雞籠城自此以
上無路可行亦無坂澳可泊候夏月無風用小
舠循海墘而行一日至山朝社又三日至蛤仔
難社又三日至哆囉滿又三日至直脚宜直脚
宜以上人跡不到矣自赤墩城至雞籠城二千
三百十五里朝議卒按圖設府一縣三曰臺灣
府曰臺灣縣曰鳳山縣力力社眩眩社皆有鳳山曰諸羅縣
即朱羅社又設巡視廈門駐札臺灣副使一鎮守臺
灣總兵一率八千人守其地

東北止浙江溫處界
粵閩巡視紀畧

閩圖一



廣東沿海總圖

分關
東北江州賴州界



粵閩巡視紀畧


粵圖一



澳南

粵閩巡視紀畧


粵圖二





粵閩巡視紀畧

粵圖四





粵閩巡視紀畧

粵圖六

粵閩巡視紀略

經筵講官工部尚書 臣杜臻 述

皇帝既平三逆復命將討定海外威德所屆與天同
際爰念海壖之民遷移未復分遣廷臣馳往安集
之 臣臻 與焉先是海寇鄭成功盤踞金門廈門諸
島遊踪入犯飄忽靡定並海諸省咸罹其患而粵
閩爲尤甚

皇上嗣服之歲廷臣建議以爲當令瀕海之民移居

粵閩巡視紀畧

卷上

一

內地民免鋒鏑之虞而寇無所掠勢將自困于是
粵閩江浙諸鎮戍以次更置賊勢果絀降者接踵
疆臣率衆討逐賊遂棄金門廈門逆竄遠島所謂
臺灣者居亡何成功死子錦代領其衆勢益弱迨
耿逆變叛始勾之入居漳泉

王師收閩寇衆仍遁疆臣再修海備盡掃游氛而海
壇金厦復寘戍兵矣于是降者又多無以處之康
熙十九年六月福督姚啓聖上疏言投誠之衆率

皆前日遷徙之民也若不給與俸餉無以安其身
心欲給之則有限金錢不可爲繼若令歸農又多
無農可歸勢必復去而爲盜以臣愚慮莫若將界
外田地盡行給還方今海外要地已設提督總兵
大臣重兵屯守是官兵在外而投誠在內夫復何
慮且彼等樂得故土人人有安土重遷之思卽迫
之爲盜亦不可得矣故臣以爲界外田土查有主
還民之外應悉給投誠開墾疏上部議駁覆再三
奉

粵閩巡視紀畧

卷上

二

旨會議應俟設兵完畢之日請行

上可之啓聖又會同撫臣吳興祚提臣萬正色合詞
保題其言曰星羅碁布漸見海波不揚正臣等遵
旨請開邊界之日也一開界則上可以增國賦下可
以遂民生併可收魚鹽之利以餉新兵安投誠之
心末無反側又可使臺灣之衆望風來歸疏上再
議得奉 旨 舊 展 界 之

旨于是閩界稍稍開二十年 月科臣傅感丁奏曰
伏見福督臣姚啓聖請開邊界業奉

允行夫近寇之省莫若閩且得開他省遠寇者何
不可開乞

勅各督撫將界外田地招徠舊遷之民及情愿墾荒
者令其耕種三年之後起科部議下所司詳酌保
題久之皆鯁鯁過慮無敢直任者二十二年五月
將軍施琅進勦海寇克取澎湖島馳檄臺灣諭以
粵閩巡視紀畧 卷上 三
順逆之理時鄭錦已死其子克塽率衆來歸請納
土爲郡縣而粵東督撫將軍保題疏適至于是兵
部議請開界十月二十二日得

旨江南浙江福建廣東沿海田地應給民耕種其緊
要地方仍應作何防守等項事宜着差部院堂官
前往會同該督撫詳察確議具奏戶部列諸臣名
以上工部侍郎 臣 金世鑑副都御史 臣 呀思哈奉

命往江浙而 臣 蔣 及內閣學士 臣 石柱 亦拜閩粵之

命是役也有當行之事四焉察瀕海之地以還民一也緣邊寨營烽墩向移內地者宜仍徙于外二也海墾之民以捕鮮煮鹽爲業宜并弛其禁三也故事直隸天津衛山東登州府江南雲臺山浙江寧波府福建漳州府廣東魯門各通市舶行賈外洋以禁海暫阻應酌其可行與否四也

臣臻

受命悚

惕卽日儆裝戒行心竊自念皇上如天至仁迫切欲見海墾之民及時耕耨今疾馳

粵閩巡視紀畧

卷上

四

度嶺已將改歲待論定奏報得

旨而後行則農時已逾非所以奉宣

德意也幸偕行諸臣亦同此懷遂用綠頭牌啓奏請于會勘之日將勘明地畝隨時責令有司招民佃種其應設防守卽時分設俟一省事竣驛疏奏聞

上許之十一日戊寅陛辭

臣臻

柱

跪請

訓命

皇上熟思久之曰開界地畝務求原主授之宜諭督

撫務俾得所臣等謹受命

皇上問勘視將先何省

臣臻

對曰將始廣東

皇上問何以不先福建

臣臻

對曰臣等先至廣東令

彼處百姓及時承墾庶不悞春耕之時

皇上曰獨不悞福建開墾耶

臣臻

對曰福建督撫方

安插投誠未服協理開墾臣等以其間先竣粵事

次至閩省諸臣已暇可以會商且閩土節候比粵稍近

皇上領之又

粵閩巡視紀畧

卷上

五

諭曰將軍施琅諳悉海島凡事必與共議臣等拜受

命

皇上又召致榻前諄諄誠諭曰汝二人朕所親簡當

善體朕意臣等又再拜受命而出

己卯啓行宿良鄉偕行者石學士

柱

主政殷特正

郎張

建績

中翰

廷理

筆帖式賴

都

暨嚴子侗丘

子民表也

壬午至河間

甲申至德州

己丑至兗州府

辛卯至利國驛蓋已入江南界矣計行十有二日皆鷄鳴首途漏再下而止馬上口占有努力前驅頻計日只因海畔蚤春耕之句

壬辰渡大河止徐州

丙申渡淮

丁酉晦過紅心驛行亂山中四十里

十二月戊戌朔發定遠

粵閩巡視紀畧

卷上

六

己亥至廬州府

辛丑過七里河止桐城蒼山萬疊松檜蕭森風景大異北地

壬寅過岡嶺二十餘涉溪澗亦十餘止潛山

甲辰至黃梅始入湖廣境

乙巳由孔壠驛渡江止九江府

丙午過五石門止德安縣峻阪斗絕登頓殊艱方卽次而雷雨作幸免霑塗之苦

丁未止德興宿徐中書宅

戊申至章江安撫軍

世鼎

陳總戎

平

張藩伯

所志

署臬查君

培繼

督學高君

璜

督糧鮑君

畋

率府屬

共迎且具舟以待

己酉揚帆早發乍釋羈勒之勞而遇此差足快意

庚戌止樟樹

辛亥止峽江山水迴潏頗似浙東嚴陵瀨是夕微

雪

粵閩巡視紀畧

卷上

七

壬子止吉安府

癸丑止鹽溪凡四日皆順風

乙卯至萬安將上灘覓灘夫以行是地水勢湍急

必用健夫習水道者二人一持篙一振舵宛轉石

罅中方免傾欹撞擊之患是日幸假風力不覺其

難行六十里止大王廟

丙辰亦行六十里上四灘止攸鎮

丁巳連上十灘虔郡諸君共迎于除灘廟張燈時

次贛州自萬安抵贛二百四十里各灘十八餘小灘不可勝數懸水斗瀉亂石鋒轟舟尺寸失便利卽不可知然勢益險而境益奇行人方以洞心駭目爲快不暇震怖也城北卽章貢合流處章自粵來貢自閩來交會于此郡名所自得也

戊午易茅蓬船止新塘

己未止南康山光秀潤村隴時有菜花如江南二月時

粵閩巡視紀畧

卷上

八

庚申早發兩岸峭壁千仞江流百折將至南安距城五里許已二鼓矣有虎自山巔下直搏挽船卒挽船卒惶遽疾呼舟中人羣起和之僅乃獲免少頃張正郎至言虎又挈其儕偶狙伺山麓冀攫後曹挽卒舟人覺之連發四鳥鎗乃去

辛酉舍舟度嶺過所謂南越雄關者夾道皆短垣

蓋少宗伯楊公

爾茂

祭告時所築也蒼松列嶂間

以平疇約九十里村民以竹籠盛大蝴蝶兩翅廣

可尺餘五色絢爛腹垂繡囊遺子大如鳧卵或言
此蝶產于羅浮麻姑仙去時蛻裙所化云薄暮抵
南雄登舟年友朱君介至二簋飲舟中宵分而別
癸亥泊蘇渡江

甲子過韶州府泊白兔

乙丑掛帆行三百里過英德泊江岸廉石諸峰玲
瓏錯峙奇秀壁立

丙寅除夕抵迎恩亭泊舟分歲

粵閩巡視紀畧

卷上

九

二十三年正月丁卯元旦卽迎恩率諸臣行慶賀
禮泊三水周儀部燦至自安南見于舟中

戊辰吳總制

興祚

李撫軍

士楨

郎藩伯

廷樞

胡臬

憲戴仁

督糧蔣君

伊

提舉汪君

兆璋

率諸屬先後

至先行請安禮乃敢具賓主會議諸務是日出
示招民先是陸辭之日卽已移咨兩省督撫述

皇上急欲小民歸業之意至是復刊示曉諭略曰先
因海寇陸梁遊踪出沒不時抄掠爾等

皇上爲爾等身家計權移內地以避賊鋒今邀

皇上威靈蕩平海外克孽未除允科臣奏請特遣大臣勘明地界給還原主或有原主已亡無從查覓者聽情願墾荒之人量力承種總俟三年起科

皇上愛民至仁爾等固當曲體卽爾等自今承佃之後子孫世世享有先業關係亦復非輕爾等當聞命嚮應勿有瞻顧示下萬衆驩呼繼以泣下因命飛遞各屬務使周知次與諸臣定議勘界程途當粵閩巡視紀畧

卷上

十

始于欽州之防城

按粵省介在荒服控帶峒獠而防海爲尤要秦命南海尉任囂築城瀧口此置戍之始也漢設交州刺史治南海唐置嶺南五管經略招討使宋以京官充嶺南道經略安撫使元置廣東道宣慰使司兵制損益代有不同明太祖洪武二

年命平章廖永忠參政朱亮祖取廣東遂命亮祖鎮守建置衛所分布要害其沿海者曰潮州

徧轄大城蓬州海門靖海四所曰碣石衛轄甲子門捷勝海豐平海四所曰南海衛轄大鵬東莞二所曰廣海衛轄香山新會海朗三所曰肇慶衛轄陽江所曰神電衛轄陽春雙魚寧川三所曰雷州衛轄石城錦囊海安海康樂民五所曰廉州衛轄永安欽州二所衛設指揮等官所設鎮撫千戶等官分領旗軍設屯田以贍之星羅戍守又多建墩烽一傳百應爲常山率然之

勢頗稱嚴整正統間因黃蕭養寇亂設總兵于蒼梧制兩省嘉靖間倭寇犯邊始專鎮于東粵又設雷廉叅將一駐雷州水營叅將駐南頭萬曆初又設惠潮叅將各一白鶴水營叅將一瀾洲水營遊擊一柘林碣石虎頭門廣海北津白鶴六水營守備各一于是旗軍而外復有城守之民壯斥埃之表加以水哨之遊巡大將居中操臂指之權守綦密矣其防汛之境略分三路

高雷廉三郡斗入海中西界欽州控連交趾雜處羅旁南而巨海縮轂瓊山而占城暹羅滿刺諸番環匝于外蓋省會之西蔽也其地以神電雷州廉州三衛十一所爲邊白鶴潭洲兩水營游徼于外是爲西路廣州帶三江阻重海崖門虎門夾峙左右屹爲筦鑰前山嶽門蕃舶所集南頭控其東陽江介其西實全省之中權也其地以肇慶廣海南海三衛六所爲邊虎頭門廣

海北津三營游徼于外而南頭一鎮總挈之是爲中路惠潮二郡界連閩省漳舶通番道所必經南澳介處兩省之間伏莽蟠互全恃兩府之彈壓又省會東偏一要阨也其地以潮州碣石兩衛八所爲邊柘林碣石兩水營游徼于外是爲東路三路各統于本管之叅將而兼轄于兩總戎瓊州孤懸海外自爲一鎮此明代設兵之大較也 國初山海未靖順治七年特置兩藩

重兵駐守防海之籌視前加蒞省會設提督潮州碣石高州各設總兵惠州雷州各設副將廉州設叅將各縣衛所要地並設游守分防盡罷衛所旗軍屯租領于縣官兵皆隸于各協制度一變康熙元年副都統覺羅科爾坤奉

旨行定海疆自閩界之分水關西抵防城接于西粵畫

界三千七百里界外戍兵移之內地于是大城

甲子捷勝海朗海安海康未安樂民諸所柘林

粵閩巡視紀畧

卷上

十三

黃岡潤洲諸游汛皆棄不守更于內隘分設汛防其餘邊界五里一墩十里一臺墩置五兵臺置六兵禁民外出情勢又復一變八年展界議以海邊爲界修復廢毀諸營聽民出田界外邊境稍拓然亦未能如舊至邊民之復業者尤寥寥僅見也今所守諸汛視八年所展之界又復不侔事經變亂文書散失不能詳定焉現設

欽州營遊擊一守備一千總三把總六

國初兵額員

一千十三名

乾體營遊擊一守備一千總二把總四兵一千

三百六十六名

國初無續設

廉州府總兵一遊擊二守備二千總四把總八

兵一千八百八十八名

舊係叅將康熙元年改總兵領本鎮兵一千

洲兵一千加募兵一千共三千名今減

高州府石城營守備一千總三把總五

國初額員

四百名

粵閩巡視紀畧

卷上

古

雷州府副將一都司二守備二千總五把總八

國初額員 兵一千四百名

徐聞營守備一千總一把總二

國初額員

兵三百名

海安營遊擊一守備一千總二把總四

國初額員 兵

一千名

白鶴寨守備一千總一把總二

續設

兵五百名

吳川營遊擊一守備一千總二把總四

國初額員 兵

八百四十名

高雷總兵一遊擊二守備二千總四把總八國初

額員駐高州府兵一千八百九十一名

電白營遊擊一守備一千總二把總四國初額員兵

八百四十名

肇慶府春江營副將一都司一守備二千總四

把總八兵一千六百名國初無順治九年設陽高遊擊一員十一年西

寇侵軼兵散十三年委官招復十七年即改為春江遊擊領兵一千康熙三年加兵五百改參

將八年又加五百改副將

粵閩巡視紀畧 卷上

那扶營守備一千總一把總二國初額員兵四百名

廣海寨遊擊一守備一千總二把總四兵九百

六名舊設參將一員兵一千名加提標四百名康熙元年又加撫標六百名共二千名今

改減

新會營遊擊一守備一千總四把總六國初設兼防會

寧兵一千三百名

香山營副將一都司二守備二千總五把總十

兵二千名順治四年設前山寨官兵五百員名康熙元年加兵五百改設參將駐防

縣城三年又加兵一千
共二千名改設副將

順德營總兵一遊擊三守備三千總六把總十

二兵三千名
順德舊不設兵康熙二年因周李二寇犯城而設十二年題定雖駐

縣城兼轄南番香山各縣巡緝沿海

虎門寨副將一都司二守備二千總四把總十

兵二千名
原設參將一員兵一千名今改增

新安營遊擊一守備一千總二把總四兵七百

八名
舊設守備一兵五百名康熙三年加五百名四年廣州左路總兵移鎮七年罷今改

粵閩巡視紀畧

卷上

十六

減

惠州府副將一都司二守備二千總四把總八

國初額員 兵一千五百名

碣石衛總兵一遊擊三守備三千總七把總十

國初額員 兵三千名

惠來營遊擊一守備一千總三把總六
國初額員 兵

八百名

海門營守備一千總一把總二
舊撥都司今改 兵四百

名

潮陽營遊擊一守備一千總二把總四

舊設副將一都

司二今改兵一千名

達濠營副將一都司三守備三千總六把總十

二兵三千名
舊無因秋風角海寇丘鳳據達濠埠康熙十九年討平之添設

潮州府總兵一遊擊三守備三千總六把總十

二
國初兵二千四百九十五名

澄海營副將一都司二守備二千總四把總八

粵閩巡視紀畧

卷上

七

國初額員兵一千六百名

黃岡營副將一都司二守備二千總四把總八

國初

額員兵一千三百三十四名

凡為營二十八兵若干名于中抽調一萬四百

七十六名分布緣邊諸汛候闕定因奉

旨查閱先粵後閩故自西界防城始迤邐而東焉

庚午至肇慶之崧臺驛督標副將張銳史孔筆都

司薛銓率叅遊等將甲士五千迎于道軍容甚盛

崧臺危石孤聳高二百餘仞廣六十餘丈下有石
室高可五丈容百人北向通明南有門可入左一
竇持火入數十丈有龍井龍牀龍磨角石右一竇
亦用火入數十步石窗穿漏光熒熒下射前有浦
名高星旁連七星巖曲折列峙如北斗中爲石室
巖東逾瀝湖半里爲屏風巖又一里爲閩風巖石
室西半里爲天柱巖一里爲蟾蜍巖又一里爲仙
掌巖西北二里爲阿坡巖延袤數十里瀝水環其
下讀唐李邕記有云疊花仰空的皜瓊脂宋陶翼
記有云滴乳成柱凝藍作蓋寫石室之勝最真自
此舍舟

甲戌偕同事諸公俱西

乙亥至新興

丙子過佛子嶺奇峰聳兀登降頗煩止天堂

丁丑至陽春

戊寅渡潭瀝那思二河

己卯至太平

庚辰至電白

辛巳行三十里至溫泉菴有兩池廣輪數尺冬夏常熱居民用以給澆濯止三橋

壬午梨旦拜福建開墾疏并移咨閩省將軍督撫申陞辭時

天語也次高州戍卒士民迎候不絕于道訴訟如雲有言兵丁佔民產者下所司廉問餘皆斥去 國

粵閩巡視紀畧

卷上

十九

初高郡受兵最酷總戎官解卽僞秦王藩府也堂形如殿覆瓦悉用琉璃近始撤易加以祖逆盤踞井里蕭條極矣

癸未高民失火燔燬廬舍六十餘區捐橐金十兩助之過先夫人祠

先夫人祠在郡東門外史稱先氏高涼人世爲南越首領先氏幼賢明曉兵略能拊循部衆每勸親族行善信義結于本鄉海南歸附者十餘

峒羅州刺史馮融聞其名聘爲其子高涼太守
寶妻侯景叛梁廣州都督蕭勃徵兵援臺高州
刺史李遷仕據大臯口遣使召寶先氏曰刺史
被召援臺乃稱有疾鑄兵聚衆而後喚君此必
反也且無往寶從之已而遷仕果反先氏詐爲
輸賧伏甲攻遷仕敗之懷集百越數州晏然亡
何寶卒陳末定二年其子僕年九歲遣首領朝
于丹陽拜陽春郡守廣州刺史歐陽紇叛陳誘

僕與俱先氏曰吾矢忠貞迄今兩代豈敢輒負
國家發兵拒紇紇衆遂潰僕以功封信都侯加
平越中郎將石龍太守冊先氏爲太夫人至德
中僕卒陳亡嶺南人奉先氏爲主隋高祖遣摠
管韋洸安撫嶺外并遣人遺先氏書以先氏故
獻陳主扶南犀杖爲信先氏見杖集首領痛哭
遂迎洸未幾番禺人王仲宣反先氏遣其孫盎
討平之高祖拜盎高州刺史贈寶爲譙國公先

氏册譙國夫人開幕府置官屬皇后輟首飾賜
之洗氏盛以金篋歲陳之以示子孫曰此忠孝
之報也仁壽初卒贈誠敬夫人隋末盎保嶺南
其下請正南越王號不許武德五年歸唐授上
柱國高州總管封吳國公子智戴仕至左武衛
將軍惟嶺南介在荒服不能北向而從兵車之
會但謹守疆索爲天子保境土斯爲良牧矣洗
氏系出峒族歸于將門當羣雄角逐之時處僻

遠孤危之境乃能尊朝廷悖信義見無禮于共
主者則擊去之和其人民以待有德雖竇融錢
儻何以加焉卒令馮氏安全延及五世一方蒙
庇幾及百年以視夫沐猴冠帶妄覲非分殃民
而卒以自亡者其得失豈可同日語哉南人德
之飾祠表墓至今不絕有以也洗氏墓在舊縣
盎墓或云在陽江東山下或云在電白馮家村
馮家村又有盎宅手植枯椰子二株尚存

甲申止化州州署有兩橘實大如楸可以療疾庭有龍首石又有石在州後潛江中曰龍尾相傳龍首時有吼聲如鶩隋置石龍縣以此

乙酉過棗竹堂琉璃菴止石城縣夾道灌樹叢生蟲鳴似秋而行旅揮汗

丙戌渡龍灣河宿清平營

戊子至廉州

己丑閱乾體營登八字山望海復返廉州而西地

粵閩巡視紀畧

卷上

三

多漳淖昏黑不可昇輿騎行二十五里用土人爲導躑躅林箐中時時恍見獸鬼來攫人抵那暮塘宿

廉州至乾體十五里乾體至海四十里乾體村名屬合浦明地圖有乾體營兵防條不載蓋嘗有之而久廢矣元年界外八年疏中稱有乾體營不知何時設

庚寅行六十里渡平銀河止一小牒而渡者甚衆

爭先過重方半渡而舟沉溺者十餘人僕高大與
焉鉤得已僵鼻行三十里至欽州而復蘇吐白沫
斗餘是日死者四人兩人屍不可得蓋爲蛟蜃所
噬矣止欽州登天涯亭閱州治

辛卯石學士吳制院分閱龍門先別去予與李撫
軍同詣防城登舟于鴻飛亭

欽州之水曰欽江在州治東源出洪牙山流經
城東南以入于海州西二十里有漁洪江又十

里鳳凰山州東三十里平銀江出博峩山南一
百餘里防城江出仙隆山

天涯亭在州東門月城上

鴻飛亭在州東門遊魚洲上前知州林希元收
東嶽廟爲之取子瞻鴻飛那復辨東西之句以
爲名羣山遠拱頗稱勝槩

辛卯舟行十里至尖山嶺又十里至石灘又三十
里出猫尾灣海口望亞公山黃陂門龍門七十二

逕皆在巨浸中歷歷可辨其東則牙山斗出海外
循海而西十五里至青鳩口戍臺也故有守臺五
卒虎噬其三二亦棄去臺隨圯矣又五里至長墩
河口夾岸置砲臺無守者又行五十里至扁
淪塘自青鳩至此夾岍皆林木在山趾者多海欖
潮至半浸水中在山顛者多鐵櫪色白而葉細

讀如
崇

壬辰曉起陸行萬木陰森猿啼不絕其音凄斷必
以三聲爲度憶唐張說欽州詩有饑狖啼相聚哀
猿喘更飛之句爲低徊久之十五里至防城守備

粵閩巡視紀畧

卷上

三

郝炳麟擁馬首流涕不已相與愴然聞昔逃虛者
見似人而喜茲以絕域而覩使華其悲喜失序無
足怪也然窮邊遠戍之苦益可念矣河西山麓廢
壘巋然舊防城也尚有民居五家以隔水難于策
應遂徙今砦樹棘爲柵取具一時非久遠之規也
舊城控制迤西必宜修復蓋昔以畫界故人踪希
濶今流亡盡歸魚鹽稠沓久之當成雄鎮也正南

十里爲水營又南九十里爲蓬羅臺西南四十里
爲漁洲坪正西四十里爲三囊臺又西五十里爲
如昔崗又西九十里爲斲凜崗又西一百八十里
爲古森崗卽分茅嶺也更西卽交趾矣西北爲王
光十萬大山口正北接廣西上思州界上思之西
卽交趾岐那隘防城正南江口有洲名曰三口浪
土人謂浪一湧爲一口相傳馬伏波下營于此浪
三湧連發三矢射之皆平遂成此洲已刻復登舟
由長墩內河行六十里至埭口有戍兵向在長墩
因楊二亂徙此

欽州屬靈山一縣在州北內地止州治附海元

年畫界自防城歷大鹿山等境

石梅山那狼山
三中山平壁山

空朗山派暮嶺西了山石家山那鹿山過河埭

口嶺魚洪嶺方家村洪屋嶺望海嶺茶山嶺大

木嶺十二嶺望州峰版橋峰江標嶺三草嶺鷄

背嶺小路林邏嶺尖山嶺瓦竈嶺佛子嶺馬留

山織籬圍至高嶺盡大觀港爲欽州邊邊界以

山封田山

外距海四十里者爲織籬圍村魚洪村三十里

者爲黃屋屯孔明村大值村二十五里者瓦窰

村鷄窩村二十里者根竹村墟埠村舊關村胎

暮村洞晚村十里者長山村有貴坑村埠頭村

那畔村料連村及近海六七里以下至一二里

若嶺脚村等 西寮村南沙村竹根海尾村犀牛角村大絲蘿村小窰村烏雷塘村

平山村大窰村小榕涌村孔雀環村牧牛嶺村

鷄墩村金鼓嘴石頭港鹿兒潭長墩關涌村白

鷺村開落村青鳩埠大頭村大小鄧村大蜆村

開元村西蜆村那落村江那村佛子村小頭村

埔茶村蒲寮村南港村芋蒙村白沙芋村殊砂

港欄埔村攪埠村蓬羅村冬瓜墩牛路村山心

粵閩巡視紀畧

卷上

三

村魚洲坪白沙灣 皆移并三年續遷共豁田地

赤沙頭潭頭村

四百七十一頃有奇于埔口諸處因界設守八

年展界稍復舊邊今從欽州營撥守防城各汛

防城守備一兵一百八十名王光十萬山口二

十名小董汛把總一兵八十名三十六村汛把

總一兵四十名漸稟崗二十名如昔崗把總一

兵四十名三囊山口二十名漁洲坪五十名水
營二十名南港臺十名青鳩臺十名長墩河口
千總一兵四十名烏雷臺十名牙山臺十名牙
山港十名大觀港
把總一兵四十名 候閩定

按舊志地圖有防城而不列于鎮戍之數然疆

域條云南支地脉起于徼外入粵西思明上思
二州叢起爲分茅嶺盡防城之曲折而南入靈
山轉高涼至恩平發爲高雷廉瓊四府一州之
境則防城一地實粵南之維首山川條有防城
江注云其水自防城入于交阯未安河安南志
載嘉靖二十年安南臣鄭松攻殺其主莫茂洽
其族人莫敦讓來奔于防城蓋其來久矣兵衛
條有黃土營注云舊防城營也在時羅都交阯

界久廢萬曆間知州董延欽復建改名由是防
城之名遂沒再考欽州之西控連交趾故有七

崗曰時羅曰貼浪曰如昔曰漸凜曰羅浮

一稱鑑山

一稱金勒曰古森曰葛源

一稱博是一稱丫葛

今防城舊建時

羅而如昔漸凜並在鎮守之列羅浮舊亦設營
去防城百里則防城爲七崗故址無疑也崗主
多黃姓相傳有青州人黃萬定者從馬新息征
南有功留守邊境子孫世守七崗唐德宗貞元

十年崙賊黃少卿叛陷欽州元和間又有黃承慶黃少度黃昌瓘繼起裴行立陽旻討之不能定韓愈爲祭酒上黃家賊事宜狀卽其子孫也元世祖時以崙主黃世華討賊有功授爲七崙長官至正二十二年崙主黃聖許反寇欽州時羅貼浪七崙人民亡散殆盡明初叅政朱亮祖定廣東以七崙人民不多革其長官諸崙長以此懷怨宣德二年漸凜崙長黃金廣糾合時羅

崙長黃子矯丫葛崙長黃建古森崙長黃寬舉四崙一十九村二百七十戶叛附安南黎氏官之爲經略使等官世襲以七崙地屬彼國之萬寧州正統五年巡按御史朱鑑或云何善奉璽書至時羅都之灘凌山揭榜招金廣等不至至今其地名曰招遠山金廣死子進襲進死子無害襲無害死子伯銀襲爲奮略將軍經略僉事嘉靖十九年安南國主莫登庸納欵獻還四崙之地

了葛羅浮收入如昔都澌凜古森收入貼浪都
由是七崗并爲三都焉時羅崗主獨禡姓相傳
有禡純旺者從馬新息南征有功留守欽邕二
州爲時休崗長末樂時失其世官其孫禡貴成
移守時羅明末交人猶喋喋以故土爲言

天朝威德遠屆方外順軌然崗界之民猶有輸地賦
于安南納丁銀于本管者蓋羈縻不絕所由來
也末樂初平交阯收其地爲郡縣尚書黃福議

曰交阯萬寧縣接雲屯海口并連欽州最爲險
要宜于欽州千戶所添軍立衛以備之英國公
張輔復請設防城佛埤二水驛寧越埤淪二遞
運所以通交阯之路因交南旋棄其議遂止嘉
靖間廉州知府張岳言粵東入交之路自雷州
冠頭嶺發舟順風一二日可抵交之海東府白
欽州天涯亭猫尾港歷烏雷海白龍尾玉門山
抵交之萬寧州度可七站蓋時方用兵于交故

議者復及此也然則防城一戍不惟控制海島
抑且筦鑰屬國備書之以爲疆吏告焉

龍門江源出合浦之龍門嶺五十里有仙人橋
溪中突起一石儼若巨舟長四丈濶半之南岸
數石相連北岸石條橫架于上有巨人跡纍纍
然橋南兩石人夾侍稍東又一石橋旁有石佛
石船俗傳仙人撐石船引大廉小港北通石康
至此聞鷄聲乃止一名石鷄橋又五十里爲大

廉山經欽州南六十里兩崖夾峙形勢若門而
水深百尋大魚登此卽化成龍不得過者曝腮
點額血流入水恒如丹池流經埗淪周墩而達
交趾龍門之前有鷄籠嶺又有巨石淡水出焉
名淡水灣門外羣山錯列海中所謂七十二逕
也自欽州鴻飛亭十五里至佛子墩出海口又
十里至黃陂門又十里過亞公山至龍門島中
央平曠可立營砦爲泊船操兵之地周圍七十

二小山鱗次環繞每兩山中一沙逕水淺可通
人行潮湧則舟入之故有七十二逕之名明世
設蛋總一兵一百八名戰艦六常駐于此統于
瀾洲遊擊又于龍門江口之煙通嶺設營以相
策應祖澤清叛時羣盜蜂起土人謝昌者據之
爲暴欽廉之境昌敗其部下楊二代領其衆阻
險爲窟官兵莫敢誰何協鎮蔡璋勒兵勦捕二
力戰自午迄日中不退璋勢頗窘踞伏餘艙中
禱于天曰賊惡已稔天倘欲殲之以除民患願
假我東風一帆拜未起東風驟作一軍驩呼因
縱火焚賊舟俱盡二乘走舸逸入交阯龍門遂
虛茲與吳公議復守之

蛋戶

或作
蟹戶

廣南惠潮皆有之編蓬瀕水而居謂

之水欄見水色則知有龍故又曰龍戶晉陶璜
疏廣州南岸蠻蛋雜居昌黎詩馬人龍戶子瞻
詩蠻煙蛋雨皆指此自唐以來計丁輸官明初

隸河泊所歲收漁課其人多姓麥漢吳蘇河古以南蠻爲蛇種觀蛋家神宮祀蛇可見廉州採珠多用之茲用爲成長取其習知海事也

欽州前世守禦可考者宋置二砦一曰鹿井砦在州西南控象鼻沙大水口入海通交州一曰三村砦在州東南控寶哈灣海口東南轉雷州之遙角塲又欽州西南有六水口曰譚家曰黃標曰藏涌曰西陽曰大灣曰大亭皆置兵守之

古今地名不同未暇深考明設欽州所卽在州治內而黃上

卽防城

龍門二營其要地也又有平

銀營卽渡口也又有白皮營在白皮村今詢土人云白皮塲在牙山下牙山在州治東南九十里海中特起三山形如排牙故名萬曆三十六年因變亂嘗設營于此意卽白皮營也西路又有羅浮營在防城外一百十里河洲村因道出彝界餽餉艱難又設思勒包冲二營于江平去

防城九十里尋廢考如昔崗在思勒村今如昔
戍蓋卽思勒置營處羅浮山名原名安京山隋
嘗于此置安京縣唐廉州刺史審純以其似惠
州之羅浮遂改名焉劉鋹得古劍于欽州羅浮
上有丁亥聖君讖遂爲宋太宗嗣統之兆卽此
也澁坑營在烏雷嶺距州南一百五十里海濱
銅柱按黃佐舊志古蹟條在欽州西貼浪都古
森崗漢伏波將軍馬援旣平交阯立以表漢界

上有銘曰銅柱折交阯滅交人懼其折嘗投石
以衛其趾曹學佺名勝志云分茅嶺有伏波銅
柱在欽州西南二百里與交阯分界山頂生茅
南北異向唐安南都護馬摠亦建二銅柱于漢
故處以自明伏波之裔明宣德二年地陷交阯
嘉靖二十一年莫登庸降順復歸版圖二說相
合銅柱在欽地無疑矣然林邑志云馬援植二
銅柱于象林

晉地理志注云
象林卽林邑

與西鄰國分漢之

南疆隋書大業元年劉方敗林邑經馬援銅柱
南唐書南蠻傳林邑南大浦有五銅柱馬援所
植依此則銅柱又在林邑今據漢書武帝始立
交趾日南九真郡光武帝建武十六年交阯女
子徵側徵貳叛十八年馬援軍至浪泊上與徵
側等戰大破之十九年馬援討賊至九真建銅
柱于林邑界交阯平罷州牧設刺史漢交趾郡
治在今安南富良江上九真郡治卽安南之清

華府林邑卽今占城國也而銅柱又在其南其
非欽州可知矣且援方當盛漢時交阯爲漢郡
而文其柱曰交阯滅此何以解也或者還軍之
日更作一柱以告交人若曰爲亂者旣必及家
族容或有之卽若是亦爲誓誠之柱而非分疆
矣新志云欽州之柱乃馬揔所立斯爲近理蓋
此時交人漸不內附也至于茅靡隨斜阪之勢
無足爲異當由丁部領之屬創爲此說以愚其

部人耳項斯詩云領得賣珠錢還歸銅柱邊看
兒調小象打鼓試新船醉後眠神樹耕時詠瘴
煙不逢寒便老相問不知年蓋亦指馬揔柱也
甲午陸行十里過楓門嶺又二十里至欽州峻阪
斗絕舍輿而徒會大雨困甚

乙未行三十里再渡平銀令懲前失多縛筏以待
坦然安流無復戒心又六十里至那暮

丙申行六十里至烏家汛自欽至此皆山險更前
粵閩巡視紀畧
卷上
三十五
悉平坦矣又四十里止廉州登海角亭

二月丁酉朔行四十里至上窰又三十里至白龍
城明時採珠內監所駐也有城四門內官署及巡
道署廢址猶存于城之東隅皆蕩爲墟莽城亦傾
壞是夕宿于野四無人居張幄以寢夜分有物至
帳外勃窣作聲披帷視之龐然巨虎也方睨檻上
驟驟未覺圜豕先見之驚啼躍出虎齧之而去

丙戌行三十里至兵辨村又十里至珠塲寨明時

設兵以防珠盜者也偕李撫軍張正郎列坐海岸望海外雲山重疊如畫西卽白龍城東爲調埠寨又東稍南爲未安所而雷州又在其東舒雁行列一覽可盡塘兵獻鬻魚雌雄各一十二足色青黑眼在背上口在腹下

按鬻魚雌嘗負雄獲雄則得雌雌或脫去亦終就斃矣吳都賦謂之乘鬻是也尾銳而長觸之能擊刺人在海遇風則舉尾扇之俗呼鬻帆陸佃埤雅視鴟創掩觀鬻掣帆是也韓退之南食詩鬻實如惠文骨眼相負行蓋謂鬻實圓細如惠文冠所綴珠然也其血蔚藍實可以醢介可

以杓

又北行五十里止白水塘荔枝龍日夾道羅生扶疎可愛

己亥行二十里至白沙塘爲廣西博白縣界蓋兩粵地形牙錯廉欽之北皆粵西也又行二十里止

新墟

廉州府屬州一曰欽州縣一曰合浦皆附海元

年畫界自大觀港東歷高坡等境

大樹根蕉子山白沙岡大

石屯村到滿村乾體村北風岡武刀寨長岐山村白龍寨羅九塘三塘西村秋風塘社內村茅

山塘榕根河大廉下山白石岡入小路香草岡山路村輓轆村丹兜村末安所山埔村西山村

山口至新墟為合浦邊邊界以外入海四十里

者曰三馬寮村白屋小村冠田村三十五里者

顧屋村鴉頭村下白泥屯大山村三十里者鐵

粵閩巡視紀畧

卷上

三

屎嶺高峰崗大崗高範村多養村埔頭村大王

山石板江三墩大腳鑪村石屋村埤頭村黃泥

埔鹽田村施屋村西篤村二十五里者栗木村

黃糯田濃囊村二十里者武馱村船瓦窰橋梁

山田寮村厥塘村崩塘村近埤村楊屋村多顏

村沙尾堆下瓦窰白沙水村大橋村獨江村箔

寮村沈家村梁家村蘇家村田寮大埠村十五

里者麗村地羅村寧海村三家村關井村王屋

塘村龍田村新村力士村那角村十里者許屋

村馬欄村英羅村雷公田葛麻山低崗村譚村

羅茅根村杉伴村囊村獨峰嶺舊塲村龍潭村

麗家村十馬村翁屋村西鹽塲上那隆村黃鏡

村觀井村對達村暨附海八九里至三四里南

樂村等 那壇村水流村大融村謝家村濱地村

瓊山村鵝洗村那格村山心村端傘村

竹根村北班村隴村黃梢村賓逢村南冲村山

口村東江村白沙塘村蛋屋村泉水村竹林村

施家村田頭村西村下塘村冠頭嶺小嶺村吉

車村高德村平洋村軍屯村東梁村田頭村西

梁村山寮村及海中之澗洲皆移并續遷共豁

井村何屋村

田地壹千九十八頃有奇于大觀港諸處因界

設守展界稍復今從乾體營撥守三汶各汛 三汶

港把總一兵一百名西江口把總一兵二百名

八字山千總一兵一百名雙墳汛把總一兵一

百名高德千總一兵一百名冠頭嶺十名武刀

港十名白龍港二十名珠塲港二十名川江港

二十名榕根二十名英 又于廉州營撥守二汛

羅港把總一兵二百名

未安所把總一兵七十名

候關定

開口把總一兵三十名

未安所城在合浦縣海岸鄉舊在石康縣安仁

里八廢 洪武二十七年始遷永樂十年建城城周
四百六十一丈成化五年僉事林錦鑿外池置
串樓四百一十五四門敵樓各八故設遊擊府
于永安所萬曆十八年移于濶洲風毀仍復舊
署而以濶洲爲汎地

廉州衛在府治

珠池舊志云一稱珠母海相傳有七曰青鶯曰
斷望曰楊梅曰烏坭曰白沙曰平江曰海渚俱

粵閩巡視紀畧

卷上

三

在冠頭嶺外大海中上下相去約一百八十三
里前巡撫陳大科曰白沙海渚二池地圖不載
止楊梅等五池又有對樂一池在雷州共六池
予訪之土人楊梅池在白龍城之正南少西卽
青鶯池平江池在珠塲寨前烏坭池在冠頭嶺
外斷望池在永安所珠出平江者爲佳烏坭爲
下亦不知所謂白沙海渚二池也舊志又載有
珠塲守池巡司及烏兔凌祿等十七寨而不著

其所自始白龍城亦不載于城池條但言欽廉
土不宜穀民用採珠爲生自古以然商賈齋米
易珠官司欲得者從商市之而已漢順帝時桂
陽太守文囂獻大珠詔却之足知其非常貢至
孫吳黃武間改合浦爲珠官郡始有官領採辦
之事然權非侈靡之主史稱其時魏主來求雀
頭香明珠翡翠鬪鳴長鳴鷄權曰彼所求者於
我瓦石耳悉以與之已而魏使又來請以馬易
珠璣瑋瑁權曰此皆孤所不用而可得馬何苦
而不聽其交易由是多取以應之其意蓋欲以
權變弊敵國如范蠡驕吳故事然厲民已甚難
免作俑之譏矣晉平吳交州刺史陶璜請弛其
禁民困始蘇自宋迄隋未嘗復設唐雖以珠池
名縣官不採取他以利民至僞漢劉鋹始設媚
川都于海門鎮募兵能採珠者二千人以索繫
石沒水而取之深至五百尺死者甚衆宋開寶

五年王師擒銀罷之元延祐間置採金銀珠子
都提舉司于廣東明洪武初罷未樂洪熙屢飭
弛禁罷採至天順四年有鎮守珠池內使譚記
奏廉州知府李遜縱部民竊珠下遜詔獄遜亦
許記擅殺人奪取民財諸狀上命并逮記鞫問
具伏遂錮記而復遜官蓋內臣之遣白龍之署
始于此時後遂相沿不廢官旣厲禁小民失業
往往去而爲盜或乘大艦厲兵刃聚衆以私採
官法不能禁于是有十七寨之設環海駐兵以
守乃守益密而盜益多官兵反藉以爲市其後
賊大起如紅頭沙鍋之屬與官兵相格殺前後
不可勝計而官採率十數年一舉行餘年皆封
池禁斷蓋蚌胎必十餘年而後盈頻取之則細
嫩不堪用故也自天順後弘治一採正德一採
嘉靖初首尾七載而三遣使得珠遂少至于開
採之歲必官治巨艦千餘發重兵以虞變又多

發瀕海丁男十數萬人以備爬螺之用舟入大洋輒以風敗民避役如往棄市所需蓬廠兜羅刀鍔之屬官私勞費不貲而所得甚微不償所費于是撫臣林富疏請罷免許之嘉靖十年富復請撤回內臣略曰合浦縣楊梅青鶯二池海康縣樂民一池俱產蚌珠設有內臣二員看守後樂民之池所產稀少裁革不守止守合浦二池計內臣所用兵役每歲共費千金約十年一採已費萬金而得珠不直數千金亦安用此請撤之而兼領于海北道疏上大司馬李承勛力持之又得求嘉張文忠公爲之主內臣遂撤萬曆間復詔採珠用撫臣陳大科之言而罷其時奉行者尤無狀珠船樹內臣旗幟橫行村落鷄犬靡遺至有姦污婦女者已乃揚帆竟去莫可究詰按臣李時華欲編船甲以禁之益可怪也按國語珠可以禦火災則貴之而車旗章服不

用珠璣爲飾禹貢淮夷蠙珠伊尹正四方獻正南珠璣璵璠成周王會東越貢蚌蛤亦惟是官受方物以示王化所及無遠勿届而已安有竭天地之藏專小民之利以充下陳之玩好而可以爲國政之常耶至于中璫銜命爲禍尤烈崇禎朝用于邊境馴以致亂又不獨珠池爲然也聖代龍興不寶異物恭儉之德軼于前古可爲萬世

法云

南越志珠有九品一邊水平似覆釜者曰璫珠其次爲走珠又次爲滑珠又次爲官兩珠又次爲稅珠又次爲苾苻珠南方草木狀凡採珠常以三月必祈禱而往否則風攪海或大魚在蚌左右菽園雜記蛋人採珠以大船環池石懸大絙別用小繩繫諸蛋腰沒水拾蚌置竹籃中撼絙則舶人汲取蛋綠大絙上不幸遇惡魚血一縷浮水面已飽魚腹矣陳大科曰冠頭嶺蛟龍

水怪之所窟。腰絙探珠者多不返。故池名曰斷望珠。產于澄潭深淵。人跡不至之處。古所謂水圓折則多珠是也。近沙淺水。蚌多空殼。每剖一二斗。所得不過如粟小珠數十粒而已。今法木柱板口兩角墜石。用山麻繩絞作兜如囊狀。謂之螺筐。繫船兩旁。乘風行舟。兜重則蚌滿矣。此法較沒取爲便。予詢土人云。每大風起。蚌浮沙面。探之甚易。惟無風時。蚌在池中。須人取之。此蓋村民無知之說。卽夫科所謂淺水如粟之珠也。今蚌殼狼藉水涯。形三角。廣不盈寸。蓋皆村民所剖云。

嶺表錄異云。廉州邊海有洲島。島上有大池。謂之珠池。每歲刺史監珠戶採珠。以貢人。疑池底與海通。池水乃淡。此不可測。熊太古冀越錄云。嘗見蛋人入海取得珠子。樹數擔。其樹狀如柳枝。蚌生于樹。不可上下。樹生于石。蛋人鑿石取

之右二說志所無見本草綱目格古論云蚌聞雷則瘵瘦其孕珠如懷孕故曰珠胎中秋無月則蚌無胎左思賦云蚌蛤珠胎與月盈虧

水經注牢水出交州合浦郡郡不產穀多採珠寶前政煩苛珠徙交阯會稽孟伯周爲守有惠化去珠復還蓋珠池實有異晉咸安間合浦人採珠得佛光燄先是丹陽尹高惺行張侯橋浦得金阿育王像無跌座與光燄經一歲臨海漁

人得跌座于海口至是復得光燄三相會合宛然如一蓋三十年矣後有西域僧五人詣惺言昔造像送鄴遇亂埋河邊不意乃在此因拜伏流涕是夕像放光燭殿宇土人云珠海嘗有光有珠母老蚌也偶入網中其船必覆嘉靖中以中官擾害對樂一池全徙楊二亂時羣蚌夜飛空中的樂如星盡入交阯界云

濶洲在海中去遂溪西南海程可二百里

新志云在

郡城東南 周七十里 或曰 內有八村人多田少

皆以賈海爲生昔有野馬渡此亦名馬渡有石

室如鼓形檣木杖倚著石壁採珠人嘗致祭焉

古名大蓬萊有溫泉黑泥可浣衣使白如雪前

爲蛇洋洲周四十里上有蛇洋山亦名小蓬萊

遠望如蛇走故名二洲之上各有山阜縹緲煙

波間可望不可登其間居民因珠盜充斥盡徙

內地萬曆初移廣海遊擊將戰艦三十以戍之

十四年有侯遊擊者憚其險遠請分所將戰艦

爲二自統其半駐永安餘使其屬統之守濱瀆

雷州府同知徐學周建議駁之曰將心也卒手

足也謂心與手足可異處乎濶洲絕險故不可

撤備濱瀆密邇珠池彼所以求駐者意在盜珠

耳議上侯遊擊之請格不行十七年定設濶洲

遊擊一員兵一千六百六名戰船四十九分五

哨駐守十八年治遊擊署于濶洲尋爲風毀二

十年卒徙永安而以濶洲爲信地自海安所歷
白鶴海門樂民乾體至龍門港皆其遊哨所及
也三十六年倭船二百寇欽州有濶洲中軍祝
國泰者餘姚人起家武進士方戍龍門率百戶
孔榕迎敵力戰死立廟洲上以祀遷界時地久
虛今不開

庚子行五十里至青平營又六十里至龍灣一名
龍頭沙石城令白玠云龍頭沙乃石城西南境與
合浦之永安所相望二地皆羸出海外而龍頭稍
縮東邨在其右三墩烏兔在其左若急水砲臺乃
因內河通海而設非邊地也

高雷二郡地如舌吐海中雷屬之徐聞縣最在
南舌端也稍北爲雷州府治而海康附郭又北
爲遂溪縣二縣之地皆橫貫乎二垂綿亘一百
六十里西抵廉海東抵廣海舌之腰也遂溪又
北爲高州府其地亦貫二垂如舌之本所屬石

城爲西境抵廉海吳川電白爲東境抵廣海故
畫界之序合浦之後繼以石城爲高之西境又
次遂溪又次海康爲二縣之西境又次徐聞而
徐聞之後又繼以海康遂溪爲二縣之東境而
吳川電白又繼之焉元年畫界自新墟而東歷
樟木岡等境高橋岡鷄公嶺竹山仔村那里坡
深田崗博教岡急水村過河暗鋪
村麻水屬遂溪本境之至赤冷營接壤也後倣此爲石城邊邊
村北坑

界以外距海二十里者爲深田村十五里者長

坡村石狗村十里者竹頭田下嶺村及附海入

里至三里松明祿地村等

馬埭村三墩村窯頭
村博教村下洋村東

村那腮村凌
祿村官寨村

皆移并續遷共豁田地二百五十

二頃有奇于急水河口諸處因界設守展界稍

復今從石城營撥守急水諸汛

急水砲臺千總
一兵四十六名

東村臺十名龍頭沙十名
烏兔臺十名三墩臺十名

侯閱定

石城所在邑治

辛丑行七十里抵遂溪雷州遊擊李嗣弼曰雷州

形勢白鶴寨東接柵

讀曰

洲大洋爲東偏之門戶

樂民所西接廉州大洋與未安所相望西偏之門戶也而海康諸所在其內

壬寅行七十里次城月驛其地山圍四面中低處如月故以各地蒸濕多穢氣必蕪香以亂其臭因讀白樂天送客遊嶺南詩有云蒼鬱三光晦溫暾四氣勻陰晴變寒暑昏曉錯星辰又云不凍貪泉暖無霜毒草春雲烟蟒蛇氣刀劍鱷魚鱗真實錄

粵閩巡視紀畧

卷上

四

也李忠定于此別僧琮嘗作詩贈之

癸卯次雷州府署

甲辰恭遇

太皇太后萬壽節卽行館率諸臣行慶賀禮

乙巳從間道西南行一百里至扶茂村仄徑峇欵人烟寥絕

丙午從榛棘中行四十里抵家山遇六麋射得其一以充午膳家山者雷西南之要扼也其下有流

沙港由西海入岸南爲青桐徐厝所轄也岸北爲
流沙海康所轄也今爲兩砲臺縮穀其口登山而
望正西有小山青石嶙峋房叅嶺也西北有城雉
堞參差海康所也大海之西烟雲杳靄中防城在
焉流沙青桐相去八里別有鶯脰港在青桐臺下
青桐南十里爲石馬臺八燈港出其下又南二十
里爲白盤臺東塲港出其下又南二十里漸折而
東爲包西港新地灣東塲臺在其內此雷州之西
南隅也自流沙以北二十里爲英翎臺又十里爲
總墩墩又十五里爲房叅臺房叅港出其下又北
二十里爲徒房墩又二十里爲郎斗墩又二十里
爲吳蓬墩海康港出其下又北三十里爲博袍墩
又十里爲洪排臺洪排營在其內距海康所四十
里又北二十里爲調建墩屬樂民所更北歷羊蹄
臺下落港爲文體港東距遂溪縣八十里自文體
臺更北卽接石城矣諸港惟流沙港最深廣長七

十里其次海康港長三十里皆可泊舟是夕仍返
扶茂宿

元年畫界自赤冷營歷文體上坡等境

八山下坡河頭

營新屯村助龍坡浩發坡調流坡墟坡北坡平湖坡坎頭坡調樓坡田濟坡田頭坡山裏坡西坡後湖頭東坡英龍後坡林邊塘

至蔣家後坡

爲遂溪西邊邊界以外距海十二里者石井村

乾畱村大墩村十里者官長村石頭坑村文體

上下村合斜村曲阨村同繩村及附海八里至

粵閩巡視紀畧

卷上

三

一里塘飯村等

周家村羊蹄埠村調樓村甘網村攬贊村邁特村傳處村草潭

村譚神村坑尾村坎頭村抱金村卜裏村調神村小子村邦那村林顯村墩民村襖

即村埠頭

村北窰村調流村黎村

暨樂民所皆移自蔣家後坡歷土

樂坡等境

田西後坡山內坡英函坡北懷坡溫堂嶺翔肥坡北和坡烏坎坡

至

那渡邊爲海康西邊邊界以外距海十五里者

爲英風村十里者那靈村娘麓村賞村草錯村

金竹村麻亭村長欖村烟樓村油河村翔肥村

及附海八里至二三里西山村等

譚斗村英嶺村鹽窰村調

黎村藤蘿村陳家村博袍村房叅村長洋村周
家村白墓村蘇惡村北合大馮村洪排村調侯
村內郎村郎斗村陳 暨海康所皆移二縣頭于
鐵村田銀村傍盤村 畝見後

海康青桐二河口因界設守展界稍復今從雷

州營撥守樂民海康諸汛 樂民所守備一千總

墩五名田頭墩五名調神臺五名牛寮墩五名
博里墩五名抱金墩五名官塲臺五名調建臺
五名調建墩五名博袍墩五名海康所千總一
兵五十名吳蓬墩五名郎斗墩五名徒房墩五
名房叅臺五名總墩墩五名英嶺臺五名青桐
臺十三名流沙臺千總一兵三十名文體臺把
總一兵三十二名羊腳臺
十一名下落臺十六名 侯閱定

粵閩巡視紀畧

卷上

五

海康所在海康縣九都灣蓬村樂民所在遂溪
縣八都蠶村皆洪武二十七年安陸侯吳傑築
按沿海設立衛所之議始于花茂茂巢縣人洪

武初勦平廣東諸徭蠻有功陞都指揮同知上

言廣屬逋逃蛋戶附居海島遇官軍則稱捕魚

遇番賊則同爲寇請徙其人爲兵庶革前患又

奏添設沿海依山碣石等二十四衛所城池收

集海民隱料無藉爲軍仍於要害山口海汊立

堡撥軍屯守皆從之茂以洪武三十年卒于鎮
命其子英護柩還京賜葬安德門外建祠于牛
首山

是日張正郎奉委閱樂民所回言樂民所距海十
里距府治一百二十里西有樂民港海口廣二三
里可泊大船其地有沙洲城登之可見大海稍南
三十里調神灣又南三十里博里港可泊船又南
三十里官塲港船嘗于此避風

粵閩巡視紀畧

卷上

五

雷州衛在府治

橫山堡在遂溪西北八十里今不設守有橫山

江流出廣西經樂民所

調樓山枕海高十丈產榛朮可療饑因五色雲
峴若樓臺故名地圖樂民所有調樓營在遷界
外志言在遂溪東北一百二十里誤當作西北
博袍水出博袍山山高五十丈相傳有神光射
天在海康西十里有墩

途傍水流通東渡入擊雷水因旁有徑路故名
訛爲徒房

英嶺臺或作英翎疑卽英靈村也相傳陳大建
間雷出于此英靈顯異故名

邵洲在海康西南一百十里海中民多邵姓
似久廢

卯洲在海西南海中島多伏卯于上船過或取
卯其鳥千萬飛隨十里始返

粵閩巡視紀畧

卷上

番

丁未返雷治訪城西羅湖十賢堂故蹟

羅湖一名西湖堂在其上卽寇萊公祠之後爲

宋咸淳九年郡守虞應龍建文信國爲之記云

寇萊公準以司戶至丁晉公謂以崖州司戶至

學士蘇軾正字任伯雨以渡海至門下侍郎蘇

轍以散官至秦觀以蘇門下至樞密王巖叟雖

未嘗至而追授別駕猶之至也未幾章惇亦至

其後丞相趙鼎李綱叅政李光編脩胡銓皆由

是之瓊之萬之僭之崖邪正勝負世道與之爲
軒輊虞侯來黜丁氏章氏而列萊公以至澹菴
凡十賢爲此堂按準少夢至海濱作詩有到海
只十里過山幾萬重之句及至雷闕地圖見郡
東門抵海崖果十里始大驚嘆以爲得喪非偶
然今雙溪臺海口卽其處也又有瑞星池以準
所居常有星墜而得名有萊泉以準常飲英靈
村水而甘之故名軾轍兄弟同時貶謫相遇于

藤渡海作詩相示轍生日軾以海南黃子杖貽
之作詩云靈壽扶孔光菊潭飲伯始雖云閑草
木豈樂蒙此恥一時偶收用千載相瘢痕海南
無佳植野果名黃子堅瘦多節目天材任操倚
嗟我始剪裁世用或緣此貴從老夫手任配先
生几相從歸故山不媿仙人把風骨矯矯至今
芬人齒頰也乃準爲丁謂所擠而謂亦尋至家
人競欲報讐準不能禁惟令縱飲博以須其過

謂得以僅免轍見貶時章惇勅雷部無敢舍流人賴郡人吳國鑑者爲之居停後惇至雷人以前令語之惇俯仰慙恨至誦商鞅之語以自咎二事差足快也前乎十賢有李北海邕李贊皇德裕皆人傑至萬曆間予鄉人沈公思孝以比部郎抗論張居正奪情謫神電而莆田戴公士衡以給事請建儲忤旨謫合浦兩公貶所皆接壤好事者能陳蕉荔之奠而躋之座末當必爲

文山所許也而宋世又有蔡攸馬自強可以追配丁章并志之以佐一噓

石學士吳制院至自瓊州會于雷館石學士曰自海安所渡海八十里卽抵瓊之海口所距府治十里瓊城周八里東西南皆有門北無門各鎮兵衛甚設飲蘇學士所濬浮粟泉而還歸遇暴風幾困一大魚長數十丈昂首張鬣迎船來口吐黑霧半天爲昏十里外猶見之

按彞堅志趙鼎貶珠崖桂帥張淵遣使致饋自
雷州浮海風力甚勁顧見海濤中紅旗相逐而
下使者疑爲海寇舟人搖手令勿語急入舟被
髮持刃出篷背立割其股血滴水凡經二時
乃相賀曰更生因言此巨鱗也紅旗者鱗鬣耳
然則學士所見猶海族之小者子瞻從徐聞渡
海亦由此道賦詩有九死南荒吾不恨茲遊奇
絕冠平生之句

石學士吳制院之自瓊而返也卽閱徐聞錦囊云
徐聞在雷州正南一百八十里自徐聞東南行二
十里爲海安所下有港行十里出港口卽大洋又
東爲錦囊所城東有港小舟行十里出大洋有新
芋島此港又可通通明白鴿寨

元年畫界自那渡邊歷新地墩等境

麻豐墩麻鞋墩討網

墩三墩齋崙墩踏磊墩海安港小水橋白沙田

博平村博沙嶺調黎坡博蠟埃股蘆邊縣南門

牛牯嶺崙頭村山園橋錦囊所赤

嶺南陳坡崙塘坡墓前嶺田心洋至牛克墓爲

徐聞邊邊界以外諸村

村名

及海安所新芋島

俱移并續遷共豁田地一千一百一十一頃有

奇于錦囊海安諸口因界設守展界稍復今從

徐聞營撥守討網諸汛

討網十名東塲臺千總一兵三十名白盤臺十

名石馬

海安營撥守三墩諸汛

三墩五十一名那黃墩五名西

卯墩五名齋崙墩五名踏磊墩五名博漲墩五名紅坎墩五名白沙墩五十一名青灣墩五名

雷州營撥守錦囊諸汛

錦囊所守備一把總一兵一百名博平五名博

賒臺把總一兵二十名博臘墩五名鹽井臺五名調黎臺十名黃塘墩五名牛牯臺十名石頭

粵聞巡視紀畧

卷上

委

墩五名調嶺臺五名大臨墩五名赤尾墩五名臨沈墩五名

候閱定

海安所在博漲村錦囊所在二十八都新安村

俱洪武二十七年吳傑築城錦囊之名不知所

始方輿勝覽載上庠錄云寇準貶雷州帝賜手

勅丁謂屬中使以錦囊貯劍欲讐準使自裁準

方在驛從容曰天子賜大臣死願見詔書卽脫

從事綠衫以迎詔中使之詐遂窮疑因此以錦

囊名其地而所名因之海安所天順間常爲邑

治弘治間復舊

討網村宋爲邑治元至正二十八年遷于賓朴

卽今治

冠頭嶺縣東南三十里遠望如冠

廉州又有冠頭嶺此則張

古所云海道可通交趾者

踏磊有觀濤嶺周一里登之可望

渡口

石馬井在縣東五里相傳有馬食田禾追之入

井中但見有石如馬遂號石馬井一村藉以溉

粵閩巡視紀畧

卷上

五

田

三墩在城南二十里突起海中號小蓬山中墩

有古樹甚怪下有龍王廟禱雨者詣之前有穴

名龍泉取得淡水則雨立至由此渡海四百餘

里乃至瓊州海隅有千步香葉似杜若而紅碧

間雜佩之聞十數里故名海中有鷄子魚肉翅

無鱗尾尖而長有風濤則乘風飛于海上又有

天牛魚方圓三尺眼大如斗在髀口在脇中露

齒無唇肉角如臂兩翼長六尺尾長五尺能上岸與牛鬪角軟還入海中堅則復出又有海鏡亦名海月土人呼爲膏藥兩斤合以成形殼瑩滑如雲母內有小肉腹中蟹子小頭黃螯時出覓食蟹飽亦飽或迫以火蟹出海鏡立斃或生剖之蟹子尚活逡巡亦斃卽海賦所云瑣瑁腹蟹也

青灣港在瓊東南三十里宋韓琦曾孫貶瓊南

携三子畱二子家于白沙後葬青灣七世孫顯甫刊戒子詩于墓側

新芋島在錦囊所港外中有村落七八處民戶三百餘長三十餘里廣五里近岸狹處可一里按志載澆洲崛起海中周五十餘里田地腴美盛產荷花博袍西流入海經于洲南疑卽此島也

雷州東門邪徑三十里渡通明河至白鶴寨寨有

城周二里雷郡東北隅門戶也東海島在其東自
寨而南十里爲北家港又南十里有舊砲臺距海
一里許又南十里爲雙溪砲臺距海五里許而雙
溪營又在其內十五里自雙溪臺又南二十里爲
溪泊港又二十里爲淡水港又二十里爲調嶺港
又十里爲吳家港又十里卽錦囊所矣自寨而北
十里爲北品港又二十里爲庫竹港又二十里爲
舊縣遂溪故治所也又北十里爲北月港又北十
里爲海頭砲臺接吳川境矣諸港惟雙溪最近府
治港口又向大洋然淤淺不可泊舟獨通明一港
可泊大舟而白鶴據其口遂爲重鎮焉

元年畫界自牛克墓歷淡陽坡

那黃坡麻黃橋
調風坡那奇村

乾塘村橋頭村那頭坡下塘坡那博嶺
高牛山溪東村蕭家村黎陳村下嵐村至東洋

村爲海康東邊邊界以外附海八里以至三四

里東山村等

下塘村高牛村調陳村溪打村
符村丁村北昌村那頭尾村俱

移合東西兩境并續遷共豁田地一千二百八

十五頃有奇自東洋村歷仙鳳村等境

通明村白鶴寨

芋村小橋村臨海村那涼村南柳村下山村

至麻斜渡為遂溪東邊

邊界以外東海島俱移合東西兩境并續遷共

豁田地三千二百六十九頃有奇于麻斜河口

諸處因界設守展界稍復今從雷州營撥守吳

家諸汛

吳家墩五名吳家臺十名淡水臺把總一兵三十名調陳墩五名烏石墩五名

東鄉墩五名舊縣臺十五名北月臺十名海頭砲臺把總一兵三十名

白鶴營撥

守雙溪諸汛

雙溪臺把總一兵五十七名寨砲臺兵十七名庫竹臺二十四名芋

粵閩巡視紀畧

卷上

奎

村墩

五名 侯闕定

白鶴門明設把總一兵八百四十六名兵船二

十八自赤水港接北津歷限門沙頭洋至海安

所止與瀾洲信地相接

舊縣東五里輦輪埠有石枕于海岸長五尺濶

三尺宋嘉定九年天大雷雨龍降其地爪痕在

石如鑿土人謂之龍爬石泉于石上湧出旋為

潭禱雨輒驗

東海島在遂溪東自北家港至舊縣長七十里
廣二十里或三十里與縣治雖隔海僅若一河
有南北二渡南卽白鶴相距十里許潮退不過
五六里北在舊縣水益狹不過二三里許其地
宜稻且饒魚鹽居民稠密有西坡村大蘭村大
村庵里村那惱村調產村齋頭村鬱律村鹽鑪
村厚皮山村德老村巖頭村坡裏村龍騰上村
龍騰下村調屋村調東村青藍村東山村調倫
村調朗村邁望村吳處村麻坦村北山村調市
村安寧村調羅村十二埔村遂溪東界及海而
止止遷島民而內地不及予至白鶴遷民纍纍
擁馬首泣訴求復故業予以

上諭通告之皆踊躍去志有思陵島在郡城東十里
海中其上多米豆枝葉如楊柳疑卽是

東頭山又東海之傍島也有調琴村後山村金
家村官寮上下村祿遐村西園村調第村暗祿

